

❖ CAROL NADOLIG

Ti, Dduw yr holl genhedloedd,
 Sy'n edrych arnom 'nawr
 Yn nŵch yr erchylltra
 Sy'n bygwth daear lawr;
 Rho ymwybyddiaeth newydd
 I bawb, o bob rhyw dras,
 Mai cariad at ein cyd-ddyn
 Yw gwir ffynhonnell gras.

Ti, Dduw yr holl genhedloedd,
 Sy'n ein gwyllo ni a'n poen,
 Ar adeg geni'n Ceidwad,
 Rho eto i ni hoen,
 Ac ymwybyddiaeth newydd
 Mai ti sydd wrth y llyw,
 A rhaid i ninnau blygu
 I'r gwir a'r bywiol Dduw.

Ti, Dduw yr holl genhedloedd,
 Gwna ni yng Nghymru'n UN,
 Boed i ni weld yn gwawrio
 Y 'Gymru ar dy lun';
 Ar ddiwrnod geni'r Ceidwad,
 A ddaeth yn faban gwiw,
 Boed atsain cân a moliant
 Yn beraidd yn ein clyw.

Ti, Dduw yr holl wareiddiad,
 A'th rodd o ryddid pur,
 Maddeua ein camddefnydd,
 A'n hanufudd-dod sur;
 Ar ddiwrnod geni'r Ceidwad,
 Rho i ni newydd wedd,
 A chalon lân agored
 I dderbyn balm dy hedd.

Nia Rhosier